

# **DAGSORDEN MAA - Meeqqanut Atuarfeqarnermullu Ataatsimiititaq d. 08-06-2022**

**Mødedato** Onsdag d. 08. juni 2022 kl. 18:00

**Mødested** Kommunalbestyrelsep ataatsimiittarfia

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ukiumi atuarfiusumi 2022/2023 misiliutitut alimasissumit atuartitsinerup sivitsorneqarnissaa.....	6
Ilisimatitsissut nunaqarfinni 8. klasseqalernissamik.....	9
Ukiumut atuarfiusumut 2022/2023-mut ilinniartitsisunik pisariaqartitsinerup misissuiffigeqqissaarn	12
Meeqquqerivimmi imminut pigisumi Mikisumi ileqqoreqqusassatut siunnersuut.....	15
Lukket.....	18
Taasariaqartut allat.....	19
Imaqarniliap akuerineqarnera.....	20

## **Punkt .: Saqqaa**

### **Ilaasortat:**

Juaaka Lyberth (IA), *siulittaasog*

Poul Petersen (D), *siulittaasup tullia*

Mia Skifte Lynge (IA)

Finn Karlsen (N)

Dorthe-Marie Mogensen-Fontain (S)

### **Beslutning**

#### **Ataatsimeeqataasut:**

Juaaka Lyberth (IA), *siulittaasog*

Poul Petersen (D), *siulittaasup tullia*

Finn Karlsen (N)

#### **Oqarasuaatikkut peqataasut:**

Mia Skifte Lynge (IA)

Dorthe-Marie Mogensen-Fontain (S)

## **Punkt .: Oqaluserisassat akuerineqarneri**

### **Beslutning**

Oqaluserisassat akuersissutigineqarput.

## **Punkt .: Nalunaarutit**

### **Beslutning**

#### **Siulittaasup nalunaarutai:**

GIF suleqatigalugu suliniutit sammisassanut karsitut taallugit suliarineqartut atuarfeqarfinnut agguaassorneqaleruttoq. Suliniutit timip aalatinnerunissaanik kajumissaarutaapput, suleqatigiinnissamullu isumaqatigiissutip anguniagaasa ilaat tassaasoq GIF-ip nunarsuarmi timimik aalatitsinerpaatut angusaqarnissamik takorluugaa tapersorsorlugu.

Ingerlatsiviup GE suleqatigalugu inuusuttunik peqataatsilluni Future OF Greenlandimik taallugu ataatsimeersuaartitsinissaata ingerlanneqarnissaa suliniutigaa, tamannalu Future Greenlandip 2024-mi ingerlanneqarnissaata sioqqullugu ingerlannissaa sulissutigineqarpoq. Inuusuttut 9. aamma 10. klassineersut, GUX-meersut, niuernermik ilinniarfimmeersut aammalu ilisimatusarfimmeersut peqataassapput, taakkulu ataatsimeersuaarnermini suliarisimasaminnik Future Greenlandimi ataatsimeersuaarnermi tunniussaqaassallutik.

# **Punkt 1: Ukiumi atuarfiusumi 2022/2023 misiliutitut alimasissumit atuartitsinerup sivitsorneqarnissaa**

## **Beslutning**

Ilisimatitsissut tusaatissatut tiguneqarpoq.



## Ukiumi atuarfiusumi 2022/2023 misiliutitut alimasissumit atuartitsinerup sivitsorneqarnissaa

Ilisimatitsissut

SagsID.: EMN-2022-04016

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- alimasissumit atuartitsinerup misiliutitut sivitsorneqarnissaanik ilisimatitsissut tusaatissatut tiguneqassasoq

### Suliassamik saqqummiussineq

Kommuneqarfik Sermersuumi suleqatigiinnissamik isumaqatigiisummi 2022-2025 takuneqarsinnaavoq nunaqarfinni atuartitsinerup siammarternissaa. Misiliutitut suliniut - alimasissumit atuartitsineq

2021-mi upernaakkut alimasissumit atuartitsineq ilikkarnarnerusumik, tekniskiunerusumik aaqquissuusaanerusumillu ilisimasaqarfigilernissaa anguniarlugu Kommuneqarfik Sermersooq misiliutitut suliniummik aallartitsivoq.

Misiliutitut suliniut Kivitsisa iluani sulissutigisassatut inissisimavoq, digitaliseeriinikkut meeqqat atuarfianni ilinniartitsinerup pitsanngorsaaviginissaanik sulissutigineqartoq.

Meeqqanut Atuarfeqarnermullu Ingerlatsivimmit misiliutitut suliniutip ukiumi atuarfiusumi 2022/2023 nangillugu ingerlanneqarnissaa toqqarneqarpoq.

Tamatununga pissutaavoq misiliutitut suliniutip aallartinniarnera unammilligassartaqarmat, ukioq tamaat siunertaq naammassineqarsinnaasimanani, maannali misiliutitut suliniummi ilinniartitsisut ilinniartitsisussat misiliutitut suliniummut pikkorissartinneqarnerat iluatsimmat alimasissumit atuartitsinissamat piginnaasaqalerlutik. Tamannattaq alimasissumit ilinniartitsinerup ingerlanerani nunaqarfiit atuarfiini atuartunik kaammattuillutik ilinniartitsisunut atuuppoq. Pissutsit taama inisseriarmata maanna alimasissumit atuartitsinerup aaqquissuulluakkamik sivitsorlugu aallartinneqarnissaa periarfissaalerpoq. Tassani siunertarineqarpoq iliuuserineqartup sunniutaanik uuttuisinnaanissaq nalilersuinissarlu.

Siusinnerusukkat alimasissumit atuartitsinerumi ilinniartitsissutit matematik aamma tuluttoorneq imarivai, sivitsorneqarneranili ilinniartitsissutit dansk aamma pinngortitalerineq ilaatinneqassapput.

Arsuup atuarfiani ilinniartitsisoqarpoq 1-4 klassit atuartitsissutini tamani atuartitsinnaasumik, taakkulu suliniummit kalluarneqassanngillat. Qeqertarsuatsiaat atuarfiani 1-4 klassimi atuartut sapaatip-akunneranut akunnerni marlunni alimasissumit atuartinneqartassapput tuluttoornermik. Atuartut qulit pineqarput. Suliniutigineqaqqaartumut tunngatillugu tuluttoortitsineq nutaajuvoq.

Arsummi Qeqertarsuatsiaanilu alimasissumit atuartitsineq 5-8 klassit ataatsimoortillugit sapaatip-akunneranut 15 tiiminik, ilinniartitsissutit dansk, tuluttoorneq, matematiki aamma pinngortitalerineq ingerlanneqassapput. Nunaqarfinni taakkunanani marluusuni atuartunik alimasissumit ilinniartitsineq ataatsimik ilinniartitsisoqarluni ingerlanneqartassaaq.



Kapisillit atuarianni atuartut sisamat alimasissumit qallunaatoornermik ilinniartinneqartassapput sapaatip-akunneranut tiimit tallimat, aammalu tiimini marlussunni tuluttoornermik.

Misiliutitut suliniutip sivitsorneqarnissaanut ingerlanneqarnissaanullu Kivitsisa suli akisussaasuusaaq.

**Ingerlatsivimmit aningaasatigut sulisoqarnikkullu naliliinerit**

Misiliutitut suliniutip sivitsorneqarnissaanut aningaasartuutit ingerlatsiviup nammineq aningaasatigut killiliussaasa iluani aningaasalerneqassaaq.

**Suliffeqarfimmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppersaatitallit**

- Inuit Ataqatigiit, Demokratit aamma Naleqqap akornanni Kommuneqarfik Sermersuumi kommunalbestyrelsimi 2021-mit - 2025-mut suleqatigiinnissamut isumaqatigiissutaat

**Ilanngussat**

Soqanngilaq.

## **Punkt 2: Ilisimatitsissut nunaqarfinni 8. klasseqalernissamik**

### **Beslutning**

Ilisimatitsissut tusaatissatut tiguneqarpoq.



## Ilisimatitsissut nunaqarfinni 8. klasseqalernissamik

Ilisimatitsissut

SagsiD.: EMN-2022-04405

Meeqqanut Atuarfeqarnermullu Ingerlatsivik – direktør Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- nunaqarfinni 8. klassit atuartinneqalernissaannut paasisutissaq tusaatissatut tiguneqassasoq
- ilisimatitsissut Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlatinneqassasoq

### Suliassamik saqqummiussineq

Namminersorlutik Oqartussat decembarimi 2021-mi atuartut angerlarsimaffianiititsisarneq pillugu nalunaarusiaq atuuttussanngortippaat. Nalunaarusiami erseqqissarneqarpoq atuartut angerlarsimaffianiititsisarnerup siunertaa saaffigineqartullu.

Atuartunut angerlarsimaffiup siunertaraa, atuartunut pisussaaffilimmik, killiliisumik naleqartinneqartumillu najugaqartitsinissaq, taamaaliornikkut atuartut atugaqarnerat, peqqissusiat, toqqissimanerat aamma ilinniarnissamut inuttullu ineriartornissaat killissat patajaatsuullutik.

Saaffigineqartut pillugu allaqqavoq atuartunut 9. aamma 10. klassini atuartunut neqeroorutaassasoq namminneq illoqarfigisaminni nunaqarfigisaminiluunniit Inatsisartut inatsisaat naapertorlugu atuarnissamik neqeroorfigineqarsinnaanngitsunut neqeroorutaalluni. Atuartoq suli 9. klassinngunngitsoq atuartut angerlarsimaffimmiinnissaanik neqeroorfigineqarneqarsinnaavoq atuartup suliatigut inuttullu ineriartornera aamma atuarfiup inerisimassusia, immikkut periarfissaqartitsinera aamma illoqarfigisami atuarfiup ilusilersorneqarnerata tamanna ajornartinngippagu. Nalunaarutip angajoqqaat meeqqamit suli inerilluanngitsut aallartittariaqartarnerinut ernumassutigisartagaat isiginiarneqarsimavoq.

Kommunip atuartut angerlarsimaffiit pillugit sektorplaniliaani aamma isiginiarneqarput 8. klassimi atuartut inerissimassusaat, tassani aamma 8. klassit nunaqarfimmini ingerlatsisinnaanerat ilanngunneqarsimalluni. Nunaqarfinni 8. klasseqalernerup fagini ataasiakkaani qaffassaasarneq alisissumit atuartitsinikkut pisariaqalerumaartussanut kiisalu angalasumik ilinniartitsisuliisariaqalernissamik naatsorsuutigineqarpoq. Nunaqarfinni 8. klasseqalernissamut periarfissalunnerusuni immikkoortortaarfimmit neqeroorutigineqartassaaq atuartut angerlarsimaffianni Nuummi imaluunniit Tasiilami najugaqarluni illoqarfimmut atuariartorsinnaaneq. Tamatumunnga angajoqqaat ukioq atuarfiusoq aallartinnissaa sioqqullugu ilisimatinneqartarumaarput ilinniartitsisussarsiornerup kingorna.

Ullumikkut taamaallaat Kulusummi 9. klassi angullugu atuartoqarpoq, nunaqarfinnili allani 7. klassinut killilimmik neqeroorutaalluni. Immikkoortortaarfimmit sulissutigineqarpoq 8. klassit nunaqarfimmi sinneruttunik atuutsinneqalernissaanut, tamannali ilinniartitsisunik atorfinitsisinarneq apeqqutaagallarpoq, taamaammat piffiit ilaanni suli pisariaqarsinnaavoq atuartut angerlarsimaffianukarallartarnissaq.



Atuarfiusumit 2022-2023 Kulusummi 10. klasseqarnissamut neqeroortoqassaaq. Ittoqqortoormiini atuarfiusumi 2022-2023-mi 9. klasseqarnissamik neqeroortoqassaaq kiisalu atuarfiusumit 2023-2024 Ittoqqortoormiini 10. klassi angullugu atuartitsisoqarsinnaalissaaq.

### **Ingerlatsivimmit aningaasatigut sulisoqarnikkullu naliliinerit**

Ilinniartitsunik pisariaqartisinermi qanoq atuinissamut atuarfiusumi 2022-2023-mi saqqummiunneqartumi naatsorsuutinik takuneqarsinnaapput.

### **Suliffeqarfimmut Kiffartuussivimmit aningaasatigut naliliineq**

Immikkut aningaasartuutaanissaa naatsorsuutaanngilaq.

### **Inatsisitigut tunngavissaq allakkallu tunngaviusumik uppersaatitalit**

- Atuartunut atuartut angerlarsimaffianiititsisarneq pillugu Namminersorlutik Oqartussat nalunaarutaat nr. 76, 21.december 2021
- Sektorplan – Atuartut angerlarsimaffiat Tasiilami aamma Nuummi 2021

### **Ilanngussat**

Soqanngilaq.

## **Punkt 3: Ukiumut atuarfiusumut 2022/2023-mut ilinniartitsisunik pisariaqartitsinerup misissuiffigeqqissaarnera**

### **Beslutning**

Ilisimatitsissut tusaatissatut tiguneqarpoq, inassuteqaallu Aningaasaqarnermut Inuussutissarsiornermullu Ataatsimiititamut akuerisassanngorlugu ingerlateqqinneqarnissaa akuersissutigineqarpoq.

### **Bilag**

Atuarfeqarnermut tunngasuni ilinniartitsisunik pisariaqartitsinerup misissuiffigeqqissaarnerani tiimit agguataarnerannut takussutissiaq



## Ukiumut atuarfiusumut 2022/2023-mut ilinniartitsisunik pisariaqartitsinerup misissuiffigeqqissaarnera

Ilisimatitsissut

SagsID: EMN-2022-00346

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- ukiumut atuarfiusumut 2022/2023-mut atuarfinni akunnerit atuartitsissutissat katinnerat pillugu ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamat ingerlateqqinneqassasoq
- ukiumut atuarfiusumut 2022/2023-mut akunnerit suliffiusussat missingersuutaat tiimit 801.630-t Kommunalbestyrelsimit akuerineqassasoq

### Suliassamik saqqummiussineq

Atuarfimmuut tunngasuni ilinniartitsisunik pisariaqartitsinerup misissoqqissaarnerani najoqqutarineqarpoq atuarfiit ukiumi atuarfiusussami tullermi atuartitsinermik ingerlatsinermi sinaakkutissaq tamakkiisoq. Tamanna tunngavigalugu ukiumi atuarfiusumi tullermi tiiminik atuineq tamakkiisoq oqaatigineqarsinnaavoq, qanorlu amerlatigisunik ilinniartitsisoqarnerasoq atuartitsinermik tamakkiisumik naammassinninnissamat pisariaqartunik. Ilinniartitsisunik pisariaqartitsinerup misissuiffigeqqissaarnerata aamma takutippaa ilinniartitsisut piffissaq suliffigisassa atuarfiusumi tullermi kiisalu nalinginnaasut ataasiakkaanullu suliassat. Peqatigitillugu atuarfinni tamani atualertussat aammalu atuarfinni tamani atuaqatigiit amerlassusissaat aamma oqaatigineqarsinnaavoq kiisalu immikkut atuartitsiviusussat qanoq amerlatigisut pilersinneqassanersut. Naggataatigut ilinniartitsisunik pisariaqartitsinerup misissuiffiginneqqissaarnera atuarfimmuut ingerlatsinermi aningaasaliisarnerup ingerlatiinnarnissaanut aalajangiisuussaaq. Ilinniartitsisunik pisariaqartitsinerup misissuiffigeqqissaarnera Nuna tamakkerlugu inatsisitigut, suliffissaq pillugu isumaqatigiissut, kommunip atuarfimmuut tunngasuni kiffartuussinerata qaffasissusaanut pituttugaavoq.

Ukiup naatsorsuorsiorfiusup nutaap aallartinnerani atuarfiusup tulliusup aallartinnissaanut pilersaarusiorluni suliaqarneq, ukiumi atuarfiusumi tulliusumi tiimit agguataarnissaat ingerlatsivimmit siunnersuut nalunaarutigineqassaaq. Tamanna siunnersuut tunngaveqarpoq atuartut siunissami amerlassusissaannik tiguisarnermi naatsorsuineq kiisalu qitiusumik suliffissaq pillugu isumaqatigiissutinik tunngaveqarluni. Tamatuma kingornagut atuarfiit ingerlatsivimmut uterfiginnissapput ilaatigut oqaaseqaateqarlutik, kissaateqarlutik aaqqiissuteqarlutillu. Ilinniartitsisunik pisariaqartitsinerup misissuiffigeqqissaarnerata inaarutaasumik sularineqarnera naammassippat, atuarfiit ukiumut atuarfiusumut tullermut atatillugu atuartitsissutinik agguataarineq, sammisassanik pilersaarutit skiimaliornerlu sularialugu timitalersussavaat. Ilinniartitsisunik pisariaqartitsinerup misissuiffigeqqissaarnerata saniatigut aamma ukiumut tulluuttumut immikkut atuartitsinissamat pilersaarusiorneqartarpoq.

Meeqqanut Atuarfeqarnermullu Ingerlatsivimmi Atuarfeqarnermut Immikkoortortap ukiumut atuarfiusumut 2022/2023-mut ilinniartitsisunik pisariaqartitsinerup misissuiffigeqqissaarneranut suliaq naammasseqqammerpaa.



ilinniartitsisunik pisariaqartitsinerup misissuiffigeqqissaarnerata naatsorsorneqarnera tunngavigalugu ukioq atuarfiususaaq tulleg ingerlatsivimmit nalilerneqarpoq, kommunimi illoqarfinni nunaqarfinnilu atuarfinni 16-ini atuartut katillugit 3.003-t aallartissasut. Tamanna ukiumit kingullermiit 26-nik atuartoqarneruvoq. Atuartut amerlassusissaasa katinneranni atuartut 239-t immikkut atuarinneqassapput. Ukiumut atuarfiusumut kingullermut naleqqiullugu atuartut 18-inik amerlanerupput. Naatsorsuutigineqarpoq atuaqatigiinnik 152-inik kiisalu immikkut atuartitsinernik 35-inik pilersitsisoqassasoq.

Naatsorsuutigineqarpoq, atuarfinnut akunnerit atuartitsissutaasussat katillugit 801.630 tiimiussasut. Naatsorsorlugu tamanna ilinniartitsisut atorfiisa 380-t amerlaqatigaat. Taamaalilluni ukioq atuarfiusumi tullermi ilinniartitsisut atorfi ukioq atuarfiusoq kingullermi ilinniartitsisumik ataatsimik amerlanerupput, ilinniartitsisunut atorfiit 379-iullutik. Ukioq atuarfiusumi tullermi akunnerit atuartitsissutissat katillugit 223.423-upput tiiminit toqqaannartumik atuartitsinernit, tamannalu atuarfinni katillugit tiiminut atorineqartunut 27,9 %-mut naleqquppoq. Taamaattoq toqqaannartumik atuartitsinerit, immikkut atuartitsinerit, holdikkaartumik atuartitsinernut, allamiut oqaasiisa pingajuat, lejrskole kiisalu najukkami ingerlanneqartut atuartitsinermi atuarfimmilu sammisassat saniatigut.

### **Ingerlatsivimmit aningaasatigut sulisoqarnikkullu naliliinerit**

Meeqqanut Atuarfeqarnermullu Ingerlatsivik naliliivoq, ukiumut atuarfiusumut tullermut 2022/2023-mut akunnermut suliffiusussamut missingersuutit atuarfeqarnermut tunngasunik sulisussat agguataarnissaannut malunnaatilimmik allannguuteqarnissaannut tunngavissaqanngitsoq.

### **Suliffeqarfimmu Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitalit**

- Atuarfik pillugu Inatsisartut inatsississaattut siunnersuut nr. 15, 3. December 2012-imeersoq
- Meeqqat atuarfianni immikkut atuartitsisarneq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq
- Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Kalaallit Nunaanni meeqqat atuarfianni ilinniartitsisut il.il. akunnernut suliffissaannut isumaqatigiissut

### **Ilanngussat**

1. Atuarfeqarnermut tunngasuni ilinniartitsisunik pisariaqartitsinerup misissuiffigeqqissaarnerani tiimit agguataarnerannut takussutissiaq

## **Punkt 4: Meeqquerivimmi imminut pigisumi Mikisumi ileqqoreqqusassatut siunnersuut**

### **Beslutning**

Inassuteqaat akuersissutigineqarpoq.

### **Bilag**

Meeqquerivimmi imminut pigisumi Mikisumi ileqqoreqqusaq atuuttoq

Meeqquerivimmi imminut pigisumi Mikisumi ileqqoreqqusassatut siunnersuut



## **Meeqqerivimmi imminut pigisumi Mikisumi ileqqoreqqusassatut siunnersuut**

Aalajangiiffigisassaq

SagsID: EMN-2022-01607

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

### **Inassuteqaat**

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- meeqqerivimmi imminut pigisumi Mikisumi ileqqoreqqusassatut siunnersuut akuerineqassasoq

### **Suliassamik saqqummiussineq**

Kommuneqarfik Sermersuumi meeqqerivinnut imminut pigisunut najoqqutassat naapertorlugit meeqqerivinni imminut pigisuni tamani kommunalbestyrelsimit akuerineqarsinnaasumik ileqqoreqqusaqassaaq. Kommuneqarfik Sermersuumut Piginnaatitsinermik agguataarinissamat pilersaarut naapertorlugu meeqqerivinni imminut pigisuni ileqqoreqqusanik akuersinissaq Meeqqanut Atuarfeqarnermullu Ataatsimiititamat suliakkiutigineqassaaq.

Meeqqerivimmi imminut pigisami Mikisumi siulersuisut meeqqerivimmi ileqqoreqqusaq allanngortikkusuppaat. Ileqqoreqqusaq atuuttoq ilaatigut ulluunerani neqerooruteqartarnermut tunngasuni inatsisinut nutaanut atatillugu nutarterniarlugu kiisalu ileqqoreqqusaq atuuttoq ajornaallisarniarlugu taamaaliortoqassaaq. Ileqqoreqqusaq atuuttoq 2008-mi novembarimi akuersissutigineqarpoq. Ileqqoreqqusaq nutaaq atuutilissappat, Meeqqanut Atuarfeqarnermullu Ataatsimiititap ileqqoreqqusamat nutaamut siunnersuut akuerissagaa, tamatumalu kingorna meeqqerivimmi ataatsimeersuarnermi akuerineqassasoq piumasaqaataavoq.

Meeqqanut Atuarfeqarnermullu Ingerlatsiviup siunnersuuteqartut ileqqoreqqusamat nutaamut siunnersuutaat pissarsiaraa, kingornalu sukumiisumik atuarlugu. Ingerlatsivik siunnersuummi annerusumik oqaaseqaateqarnissamat tunngavissaqartitsisunik nassaangilaq. Siunnersuut Kommuneqarfik Sermersuumi meeqqerivinnut imminut pigisunut ileqqoreqqusanut tamanut atuuttunut naapertuuppoq. Allannguutillu amerlanerpaartaat annikinnerupput, oqaasertatigut, ileqqoreqqusami immikkoortut inissisimanerisigut kiisalu inatsisinut malittarisassanullu atuuttunut atatillugu nutarsaanerullutik.

Erseqqissaatigineqassaarli siunnersuut ileqqorisassamit atuuttumit, siulersuisut aalajangiinerini taasinerit naligiinnerini kiisalu ataatsimeersuarnermi taasinerit naligiinnerini annermik allaanerussuteqarmat. Matumani ileqqoreqqusami nutaami pisuni taakkunani marlunni taasinerit naligiitsillugit, siulersuisuni siulittaasup taasineri taasinerit marluttut naleqartassasoq siulersuisut kissaatigaat. Ileqqoreqqusami atuuttumi, siulersuisunit aalajangigassanut tunngatillugu, siunnersuut taasinerit naligiinnerini atorunnaartarpoq. Ataatsimeersuarnermi taasinerit naligiinnerini assingusumik aalajangersagaqarnera pillugu ileqqoreqqusami atuuttumi allasimasoaqannigilaq. Aalajangersagarli nutaaq ernumassutissaqarnaviangitsoq ingerlatsivik isumaqarpoq.

### **Ingerlatsivimmit aningaasatigut sulisoqarnikkullu naliliinerit**

Pisariaqannigilaq.



## **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitalit**

- Kommuneqarfik Sermersuumi meeqqerivinnut imminut pigisunut najoqqutassat
- Kommuneqarfik Sermersuumut oqartussa qarfiit immikkoortortaannut pilersaarut

### **Ilannussat**

1. Meeqqerivimmi imminut pigisumi Mikisumi ileqqoreqqusaq atuuttoq
2. Meeqqerivimmi imminut pigisumi Mikisumi ileqqoreqqusassatut siunnersuut

## **Punkt 5: Lukket**

## **Punkt .: Taasariaqartut allat**

### **Beslutning**

Soqanngilaq.

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 14.40.